



K'jaan kuat kuasa skim harga maksimum PKP mulai esok

Diterbitkan Hari ini 3:53 pm
Dikemaskini Hari ini 3:53 pm

Kerajaan akan menguatkuasakan Skim Harga Maksimum Perintah Kawalan Pergerakan (PKP) bermula esok sehingga 28 April, kata Menteri Kanan (Kluster Keselamatan) Datuk Seri Ismail Sabri Yaakob.

Beliau berkata skim itu akan memastikan harga 12 barangan keperluan harian dapat dikawal, seperti ayam, telur ayam, minyak masak, tepung gandum, tomato, kubis dan ikan kembung.

“Perincian mekanisme Skim Harga Maksimum PKP akan diumumkan Kementerian Perdagangan Dalam Negeri dan Hal Ehwal Pengguna (KPDNHEP).

“Kerajaan sentiasa mendengar keluhan rakyat mengenai sikap sesetengah peniaga yang tidak bertanggungjawab menaikkan harga barangan keperluan, sewenang-wenangnya,” kata beliau pada sidang media harian PKP, di Putrajaya hari ini.

<https://www.malaysiakini.com/news/520568>